



UNIVERSITÄTS-
BIBLIOTHEK
PADERBORN

Provincia Aragonia.

[urn:nbn:de:hbz:466:1-68715](https://nbn-resolving.org/urn:nbn:de:hbz:466:1-68715)

593

PROVINCIA
ARAGONIA.



OCIS NOVE M, prio-
re anno, socij ducenti tri-
ginta quattuor. postero-
re, decem Domicilijs, ducē-
ti quinquaginta sex. Minue-
re numerum omnino no-
uem. Auxere quadraginta
octo. Reliqua seorsum ponemus.

VALENTINA PROFESSORVM
Domus, & Collegium.

TRES, AVT sex, supra triginta in Va-
lentina Domo: ex his minimum duodeui-
ginti in proximorum commodis vtiliter oc-
cupati. Diebus destinatis poenitentia concio-
nes habitæ in primaria vrbis æde, & in altera
ab hac secunda, cetero anno, in alijs extra-
ordinaria permultæ. Habita & ratio ægrotan-
tium in nosocomio, domibusque. Opera præ-
sertim conspecta in cõdemnatis reis reuocan-
dis ad animi firmitudinem: sic, vt interdum
sedecim e nostris, vno tempore, in eodem ope-
re versarentur. Vitiorum laqueis crepti non
pauci. inueteratæ inimicitia odiaque deposi-
ta. Cetera similia: quamquam si nihil esset
aliud,

aliud, satis celebraret vtilitatē huius Domus Sodalitium sancti Spiritus, de quo nos olim, quarto abhinc anno. Constat viris principibus fere sexaginta. priore anno ducentos: altero amplius trecentos, omni destitutos humana ope homines, e vinculis liberavit. Vna res, quæ simpliciter tamen dicta magnitudine plures vincat, etsi sermone ornentur. Instituta & Sodalitas altera festis diebus sacramenta frequentantium: magnum pietatis incitamentum. Excursum in vicinos pagos, ad extremos vsque regni fines, Oriolanum versus. Multi, atque in his duo Ecclesiastica dignitate, cum inimicis in gratiam rediere, aliena redhibita, Concionantium mira approbatio & fructus. Confessiones audientibus nullus per otium dies exiuit, nec deerant, qui cum lacrimis pollicerentur daturus operam, vt numquam referrent mores, quos semel extulissent: quasi ante hanc se diem Christianos fuisse non putarent. Primarij passim viri nostros fama tantum antea cognitos destinare concionibus habendis in futuram Quadragesimam. ita spes vtilitatis desiderium accendit.

IN COLLEGIO triginta vnus; altero anno duodequadraginta: horum propria iam est puerorum eruditio, neophytorumque in summis capitibus nostræ legis, ex fidei Quæstorū præscripto. Beatæ Mariæ Sodalitas, sacerdotis olim obitu dilapsa, reuocata in speciem pristinam

pristinam, anno posteriore . ad diuerberatio-
nem hebdomadariam addita terna singulis se-
ptimanis Quadragesimæ . scilicet, dum subigi-
tur corpus, anima efflorescit.

COLLEGIUM CAESARAV-

gustanum.

SOCII quadraginta octo . Eadem hic
quoque voluntaria afflictatio corporis, nec
temere de proximo repetenda. Habita in tem-
plo Xenodochij totius Prouinciæ celeberrimo,
quotidiana concio, ieiunio verno, magno
quamquam plausu, maiore fructu . hoc enim
sacerdotis nostri studium, non vt delectarent
verba, sed prodesse . Multis locis de more
expositus Catechismus . Carcer vterque adi-
tus, & firmati fontes ad patibulum ducti . Ad
tollendum disfidium ciuitatem inter ac proce-
res regni, non parum momenti habuit nostro-
rum opera, fidesque . ex eo maior in multis So-
cietatis fama : ac vicissim multorum nostrum
erga Collegium beneuolentia . eam cum saepe
alias experti sumus, tum superiore anno, in no-
stro Prouinciali conuentu . Eleemosynæ nomi-
ne plus mille aurei contributi . Obiti etiam pa-
gi vtroque anno, sed maxime priore : decem
enim sacerdotes adierunt populos plurimos,
ad radices ac latera montis, qui ab Iacca per-
ueterem vrbe nomen inuenit : repertique, siue

Pp quia

quia deuij, siue quia incuriose habiti, fere inculti. Ergo in hoc vnum ibant nostrorum dies, in hoc etiam plerumque noctes: hoc opus eorum erat, hæc cogitatio, vt, quantum fieri posset, omnes ad pietatem excolerentur. in quodam oppido, vnus, qui præter ius fasque magnam pecuniam collegerat, publica præconis voce pronuntiari iussit, quæcumque fraudasset, restituere paratum fore. alter adductus, vt in templo coram populo, quam ficti criminis infamiam aspererat sacerdoti honestissimo, ingenua confessione deleret, in hos omnes populos introducta cõsuetudo, vt Curiones, cum antecedentium puerorum agmine per vias publicas, religionis rudimenta diebus festis in templo exponant. Sacerdos vnus missus in natalem patriam refouẽdæ valetudini, non in vtiliter ibi cõmoratus, adduxit ad perceptionem Eucharistiæ omnes, qui idonei essent: octoginta audiit de peccatis totius vitæ; alearum lusus, & iurisiurandi peruersam consuetudinem expulit: similtates extinxit: sacerdotem polluentem dignationem ordinis ad emendatiorem vitam reduxit: nonnullis eiiciendarum pellicum auctor fuit: Bacchanaliorum insaniam represit. Ac ne multis optandum erat vnum ægrotasse corpore: vt dum dat valetudini operam, consanescerent animi multorum.

BILBILITANVM, ET GANDIEN-
se Collegia.

BILBILI, primo anno vndecim: secun-
do plures. illo, ingens imber lapidum (ver-
ba hæc sunt e capitibus transmissis) ac flumi-
num inundatio segetes ac vineas corrumpit: se-
cundum hæc, communis quædam morbi vis mi-
serandum in modum ciuitatem afflixit. Non
defuere nostri morientium auxilio, decumben-
tium solatio; diuinaque prouidentia factum,
vt quo prodesse pluribus, nemo ægrotaret.
Altero anno, ex anniuersarijs concionibus ie-
iunij maximi, mira confessionum generalium
multitudo. Calēdis Octobribus diē suum obiit
Rodericus Zapatus, ab eleemosynis Ecclesiæ
Casarangustanæ, & a consilij Philippo regi,
nostri ordinis, dum viueret, studiosissimus:
quod & ostendit in morte, cum heredem Col-
legium ex alse fecit, ita, vtroque anno, in illa
tristitia temporum, nihil defuit nobis, super-
fuit potius aliquid, quod in egenos deriuaretur.
Crescit Congregatio discipulorum nume-
ro, ac virtutum exemplis. Bis excursus in lo-
ca vicina, in quibus omnes fere incolæ animas
confessione purgarunt.

AT GANDIAE non pauciores trigin-
ta. Priore anno omnium spectata virtus, cum
diuturnæ ac permolestæ tertianæ febres in

P p a hanc

hanc urbem incubuerunt: vt cum sociorum numerus non esset satis, Valentini accurrerint in partem laboris: ac prope inter eos certamen esset industriæ non inutile agrotantibus. omnes conualuere. In hoc Collegio Seminarium est nostrorū Græce Latineque discendum, quæ alios doceant, magna non solū specie profectus. e scholis posteriore anno in societatem admissi tres. in alia Cœnobiaz plures. Nostræ professionis munera nihil intermissa populis ad pietatem informandis, audiendis confitentibus, nodis dissoluendis, componendis rixis, inopibus, quorum hic magna copia, vel ex nostra re tenui familiari, vel ex aliorum liberalitate (in quibus Dux Borgia enituit) copiose sustentandis. Nec finitimi pagi (hi plures numero sunt) sacerdotum nostrorum opera caruere. Neophytorum agmina (eorum proles, his locis, in dies succreuit) instructa ad Christianam doctrinam. opus magis in rem solidum, quam splendidum in speciem.

DOMVS PROBATIONIS TARRACONENSIS, & Gerundense Collegium.

TARRACONE vndecim, duodecim. non dum enim alendis Tyronibus idonea domus. itaque persequemur breuiter cū alijs
Domi-

Domicilijs cōmunia. Virgines duæ, quæ apud nos sacra vsurpabant, abdiderunt se in Dei penetralia, quo liberius relictis omnibus vni famulentur. Viros inter magnæ auctoritatis, odiorum semina, quæ creuerant ex mutua diuersis temporibus scloporum displosione, nostrorum conatu, ne fruticentur amplius, enulsa. Priore anno Calendis ipsis Ianuarijs illustriſſimus huius vrbis Archiepiſcopus operatus in noſtra æde, apud nos familiariter præſus, ſub finem, cum vario ſermone relaxantur animi, ſexcētos nummos argenteos Patri Reſtori in manum dedit, totidemque pollicitus eſt in meſes ſingulos, ædificationi promouendæ: quæ poſteriore perfectæ demum eſt, & peristylijs peregre ornata. Ceterum, quod ſemper metuebatur, ne vitium domus, rimasque paries ageret, accurate prouiſum. Concionator ieiunio quadraginta dierum ſic probatus eſt, vt in alterum annum communi conſenſu ordinum flagitetur. Inſtituta ſtudioſorum Sodalitas, auctaque indulgentia ſummi Pontificis: quæ Epicoſci quattuor, qui ad ſynodum conuenerant, ſua præſentia honeſtarunt: ijdem cum Archiepiſcopo noſtro apud nos cibum ſumpſerunt, audieruntque pomeridianam Latinam orationem de Sodalitatum cauſa, & fructu: quam ita laudarunt, vt gratias agerent dicenti.

GERVNDÆ circiter viginti. Hic quo-

que simpliciter pauca dicemus: quædam enim satis est indicasse. eadem extiterunt, quæ in alijs Collegijs, more institutoque maiorum, Societatis officia, siue infirmus, siue inops, siue puer rudis implorauerint opem. Iis, qui carcere attinebantur, pane fame morientibus subuentum emendicato cibo. Vtroque anno post Philosophiæ decursa spatia in Gymnasio nostro, in templo grates numini actæ: perceptaque Eucharistia ab ijs, qui desudauerant in cursu: a quibus & epulum victis datum, pecuniaque in elemosynam collata est. Conciones in æde nostra, alijsque, frequentes iuxta, vtilisque. Crebrum sacramentorum usum auxit Iubileum Pontificis: quo tempore sacerdotes duo in propinqua loca dimissi ea rettulerunt, quæ intelligi magis, quam legi decet.

COLLEGIVM BARCINONENSE.

VIGINTI quattuor anno priore: altero excreuit numerus ad quattuor & triginta. Pestilentia, de qua proxime memoratum, abeunte cum fine anni, ad urbem qui diffugerant, & nostri ad intermissam curam docendi reuerterunt. reuocata interim mysteriorum celebritas, templique. Catechesis Christiana pueris restituta, iubente Antistite ex urbanis elementarijs accessione facta. Scholæ Theologicæ aliquanto serius repetita, tertio nonas

nonas Martias: citius tamen aliquanto, quam
 in Academia publica. auditores centum vigin-
 ti quinque. Sodalitium beatissimæ Virginis
 amplius factum: decem supra cætum postero
 anno censi. Priore Septembri exeunte tri-
 ginta viri huc appulere binis triremibus Tur-
 cicis onustis gaza: desertores ipsi olim veræ
 religionis, mox pœnitentia ducti, diuina ope
 captiuorum auxilio, interfectis hostibus qua-
 dringentis, sese ex eorum, dæmonisque pote-
 state eripuerant. reformati omnes, labore no-
 strorum, propter linguarum varietatem, non
 paruo: sed respondit fructus: expiati anima-
 rum sordibus, refectique pane caelesti, magna
 sua cum lætitia, & gratulatione ciuitatis,
 in suam quisque patriam rediere. adiuti a sa-
 cerdotibus duobus pagi complusculi felici ex-
 cursu. Atque hæc fere anno priore. Posteriore
 admissi in Societatem quattuor. Theologiæ
 candidatus vnus optimæ spei adolescens. in
 nosodochijs, in carcere, in lectulo ægrotans,
 nemo nostram operã frustra desiderauit. Ex-
 tremæ Quadragesimæ Galcorandus Borgia
 Montesianorum equitum magister, Patris no-
 stri, piæ memoriæ, Francisci germanus frater,
 in nostras ædes sese abdidit, vt in se ipse rece-
 deret, ac diuinis rebus semotus a strepitu vul-
 gi commodius vacaret. visus est se compara-
 re ad mortem, quam postero anno obiit. No-
 bilis fidem virgini datam fallebat: is, cum pau-

eis ante obitum diebus, vno e nostris interpre-
 te, eam vxorem duxisset, magnas contentio-
 nes sedauit. Excursio in pagos, & aliquot præ-
 terea oppida, vicosque Pyrenæi agri, non in-
 utilis visa. Pax conciliata quodam in oppido,
 cui non nisi bella cordi, reddita quæ bona fi-
 de non habebantur. instituta frequens sacro-
 rum vsurpatio capit in dies maiora incremen-
 ta. Hinc exortum fundandi Collegij studium
 oblata pecunia, & vtensilibus domus: res vti-
 lis genti intestinis odijs iam diu laboranti.
 Nobiles viri duo, qui annos aliquot fuerant
 factionum duces, remissis vltro citroque
 iniurijs, fœdus amicitia inierunt. alter eorū
 adeo in melius mutatus, vt, absque vxore ef-
 fet, vel assentiente illa, libenter in Cœnobio
 consecraret se Deo, & fortasse apud nostros:
 quibus res suas omnes reliquit Collegio ex-
 truendo, si sine liberis decesserit. Bulbastren-
 sis Episcopus, in cuius diœcesi oppidum est,
 de oppidanorum studio instituendi Collegij
 recepit ad Regem Catholicum litteras daru-
 rum. Redeo domum. Toto anno bis, ter Qua-
 dragesima, quot hebdomadibus, repetita in
 templo nostro consuetudo flagellorum, vno e
 nostris breui aliqua narratione veteris histo-
 riæ, quasi virtutē accendenre. Sacerdos vnus
 totius anteaetæ vitæ confessiones quadragin-
 ta excepit. ex quo spectes aliorum numerū,
 qui in eadem opera assidui. Ex ijs, qui socijs
 no-

ARAGONIA. 601

nostris vtuntur, in varijs familijs se Deo man-
ciparunt, amplius viginti. Horum vnus Ca-
puccinorum ambitor, vt voluntatem suam
apud illos exposuit, in regressu ad urbem a
mulierculis duabus, ni potius a dæmone sub
nota forma, blande appellatus, postmodum
etiam tentus manu iniecta, turpis flagitij ma-
culam pedum celeritate victor effugit. Virgo
clara genere, pridie quam a parentibus viro
desponderetur, virginitatis tuendæ studio, mu-
tato habitu ad beatissimæ Virginis in Serra-
to monte ædem contendit: hic prostrata an-
te aram vouet perpetuam pudicitiam obni-
xe: dein re tota sacerdoti nostro Barcinone
detecta, data opera est, vt tuto honestoque lo-
co seponeretur. Ceterum, Ilerdæ etiam qua-
draginta diebus ante Pascha sollemnis ieiu-
niij, concionum, confessionum, Catechismi,
aliorumque munerum non exiguus fructus
fuit. pacificati viri nobiles duo, e quorum si-
multatibus magna incommoda metuebantur,
e iuuenibus, qui in ea operabantur liberalibus
studijs, iuris civilis studiosi multi in varios
religiosorum ordines, Theologi duo in no-
strum admissi.

BALEARICVM & TVRIASONENSE
Collegia:

VIGINTI quinque, dein viginti duo Ba-
learibus. Annus prior pestiferum Autum-
num

num toti insulæ inuexit, cum strage multorum: nostros, quæ fuit Dei clementia, reliquit intactos. Vigent studia litterarum, additus professor Philosophiæ, alter Humanitatis, aucto discipulorum numero cultuque. Rhetoricæ ac Poeticæ nō raro specimen datum, cōuestitis parietibus ingeniorum pulcherrimo paratu. ex his in nostram familiam quattuor vno anno adsciti, in alias aliquot missi. Sodalitas Dei matris, ne festis quidem diebus feriatur: adeo crebra est exercitatio habentium orationes, ac publice disputantium. Insulanorum non parua erga nos beneuolentia: exædificatum eorum liberalitate Collegij mēbrum, magno cōmodo nostrorum. Hæc inter, conspecta etiam alia munia Societatis: Verba facta Quadragesima tota primario in tēplo: nec transire cum plausu, se insinuauere cum fructu. mulieres aliquot a meretricio ad sacramentorum frequentationem traductæ. nō minor vtilitas fuit ab exponente doctrinam Christianam. Carcer & publica pauperum domus singulis inuisuntur hebdomadis, & absoluntur permulti nexu animorum. Reliqua exigere, quæ sunt communia, non necessarium reor.

T V R I A S O N E N S E Collegium nouum est, vbi, aut quale, quoniam nunc non accipi, perscribent post hac alij, maiore otio, accuratiore stylo. Huc, euocati nostri ab Episcopo

ARAGONIA: 603

scopo, venerunt septem, in his quattuor sacer-
dotes: tres assidui in concionibus apud urbē,
ac suburbanos pagos. Fidei elementa nouus
his locis docendi vsus magno clamore homi-
num ac fauore exceptus. Excitati pauperes
in Xenodochio ad patientiam, firmatique con-
cionibus. Iuuentus litteris dedita ad pieta-
tem, & castigationem corporis inuitari cœ-
pta. Philosophiæ theses defensæ a populari a-
dolescente in æde summa, vno e nostris quasi
vindice in dissoluendis nodis, magna omniū
voluptate. Templi futuri ornamenta, & supel-
lex varia in dies augetur. nimirum hæc initia
Collegij in magnam vtilitatē ac speciē ituri.

SARDINIA.

ARAGONIAE appendix Sardinia.
Quattuor diuersa per loca socij octo su-
pra centum. Sassari quadraginta tres. Cara-
li in Collegio triginta: in Domo Probationis
viginti. in Ecclesiensi, & Algarensi octoni.
Adsciti in Societatem sex. Tres excessere e ui-
ta. anno inquam priore. nam de posteriore
nihil habeo.

COLLEGIUM SASSARITANVM

TERTIVM inchoatum Sodalitium Dei
genitrici sacrum, magno ciuium bono.

Do-

Dominica proxima Quadragesimæ initium dedit. ita quos dies alii indulgentiæ corporis, Mariani sodales animorum exercitationi dedere: ut uix quemquam inuenires extra limen Collegii. et peruagata est Sodalitii fama, in reconciliandis dissidentibus iam utilitate perspecta. E concionibus confessionibusque fructus illi sollemnes. In promulgatione Iubilei ter mille communicarunt. restitutum as iniuste alias retentum. rettulit vnus aureos sexcentos sexaginta sex. a turpi muliercularum consuetudine aliqui se subduxere. virgo votum castitatis amplexa. altera ambitioso corporis ornatu ac pulchritudine illex multorum cupiditatis, ut nec ipsa ab summo periculo longius abesset, transtulit se ad animi cultum, & amorem Dei. Frater ac soror a mutuis similitudinibus añorum, quattuor abstracti. Vinctorum corporibus animisque persepe utiles visi sumus. Concionatores quattuor diebus verni ieiunij, duo etiam in flexu æstatis, multos lustrare pagos, ferentes Dei verbum, simulque manipulos reportantes. Cohibita peccandi licentia: pacatique discordes. hæc, & alia similia. Ceterum occursum est malo tumentis, si adhibita contatio esset, magnam perniciem allaturo. Venerat in hanc urbem ex regione externa adolescens annorum septemdecim, manu & artificio agre vitam tolerans (erat vitriarius) deformi corpore,

re: verum eo acumine ingenij, tantaque facundia in tenui licet panno (vt res postea docuit) dæmone vim suggerente & verba, vt omnibus ferme miraculo esset. Dum audiretur cupide a multis, & conciliaffet sibi amorem vulgi illa profluentia loquendi, interiaciebat quædam, propter quæ præstabat illum esse elinguem, aut eos surdos, qui interessent. parcam ego quoque, ne ea enuntiem, auribus uestris. Lutherum diceres, breuique exitium, si assensores habuisset, insulæ totius. Sed diu non latent scelera. Vna ex iis quæ aures garriendabat muliercula, vt sunt fere omnes faciles inanibus, in sacerdotem nostrum incidit: in sermone fundit verbum paulo insolētius, quàm vt existimares fortuito lapsum. hic tacere anguë rarus noster: nec res fefellit: requirēdo cognoscit arcanam doctrinam, atque eius magistrum. re delata ad fidei Quæsitores, reus comprehenditur, nec confessionis solum remediū, sed & penitentiaē libere complexus, quam expugnatum temerarius ibat, respexit Catholicam fidem.

COLLEGIVM CARALITANVM,
& reliqua.

TENTATIS fere omnibus morbo, enituit laborantium patientia, & caritas ministrantium. defuncti sacerdotes duo, fere columi-

lumina Collegij, Georgius Pashius, & Antonius Montanus. Luctuosus vtriusque obitus omni hominum generi, ordinique; id facile discerneres in certamine maroris. Ceterum ad communes exercitationes Societatis accessit hoc anno, necessitate suadente, procuratio pauperum, ne fame conficerentur. Collegij ditiorum liberalitate eleemosynis præpositus est vnus e nostris, remque prudenter gessit, cum admiratione omnium, sine vlla querela. studebat nosocomio præcipue, et custodijs publicis; quod erat turbæ precario victitantium, ad sex menses de Collegio victum petebat: ij ducenti initio, mox valescente inopia, & confluyente vicinia, numerati trecenti septuaginta: quorum etiam animi pascebantur. res omnino utilis, & procurator acceptus: vt multi propterea large submitterent, quod in egenos tribueretur, egit idem cum magistratibus vrbis, quod alioqui difficile factu videbatur, vt annuus constitueretur census pupilulorum sustentationi, hinc multorum subleuata egestas, & peccandi in pluribus occasio oppressa. in æde maxima paræcijsquæ de rebus diuini sermones habiti. totius vitæ sordes aperiendo abstertere quamplurimi. Pagi interim non neglecti: hoc in opere, præbyter, qui Archiepiscopi imperium de tractabat, nostrorum hortatu erratum agnouit, seque in vincula ultro coniecit, unde & Antistite placato breuiere-

ereptus. A prima adolescentia quidam rixis exercitus, exul errabat: hic quoque ad frugem reductus nostras scholas frequentat. Mulier duobus amisfis liberis orbitatis impatiens se se dæmoni addixerat: hanc prudenter allocutus sacerdos ad saniora consilia inflexit. Duo qui propter diuturnum litigium agri diuortium fecerant animorum, ad concordiam & pacem reducti. Consultum pauperibus, ac publico eorum hospitio, ut meliore cultu esset.

PROBATIONIS Domus eodem malo æque affecta, sed sine damno defuncta est. Inter eos, qui se nobis adiungere, singularis fuit unius cōstantia. Viduæ matri unicus erat multorum cognationibus inuexus: ut ad nos animum appulit, ita ægre latum ab omnibus, ut auunculus, qui tunc Romæ uersabatur, rem ad Pontificis Vicarium deferret: seductum adolescentem blanditijs, & alia id genus calumnians. Placuit Magistro nostræ Societatis filium ad matrem remitti: ut ipsa, cognatique de eius consilio una cognoscerent, hic arcti complexus, et, quasi receptus postliminio esset, gratulatio: dein, ut immotum videre, uersa in dolorem lacrimæ, ac preces: quæ dum frustra funduntur, ac teritur tempus, pius, adolescentens, caelestium cupitor, procidens in genua, omnibus coram, improviso ausu, sed opportuno, clara uoce, uotum uouet immortali Deo, ineundæ Societatis; quo uerbo præcisa
spe

spe omnibus ut mutaret aliquando cōsiliū,
& castigato fletu parentis, ad inceptam Chri-
sti militiam animosus tyro reuertit. Sunt ea-
dem in domo veterani aliquot, & in externo-
rum utilitatem se effundunt. Mulier a laqueo,
quidam a desperatione uitæ, quemadmodum
loquebantur ipsi, ut renuntiarent curis mun-
di, ad spem vitamque meliorem reduci. Actum
cum marito, ut uxori, de qua interficienda co-
gitabat, satisfaciendi ueniam daret. Multo-
rum animi inuicem pacati. Fraternalia duorum
odia restincta, altero ex ijs impulso, ut sponte
peteret alterius complexum: et nunc mutua
beneficentia successit in iracundiæ locum.

• IN ECCLESIENSI, Catecheseos,
concionum, confessionum, & in hac caritate
annonæ, sustentationis pauperum, non medio-
cres fructus. Aes male partum dominis reddi-
tum. Pax primarios inter viros eo utilius con-
stituta, quo maius periculum imminebat.

• IN ALGARENSE eadem. Gramma-
tices scholæ progressio non pœnitenda. Con-
cionatus vnus quadraginta diebus ante Pas-
cha in principe templo: neque ostentauit stre-
pitum vocum, sed vim spiritus & ardorem,
qui in eo loquebatur. factum proinde, ut vitia
non excusauerint plurimi, sed excusserint, ma-
gnoque animo ab se eiecerint, tamquam non
amplius reditura.